



Broj: 05/1-50-13-26-42-3/18

Sarajevo, 22. 2. 2018.

PRIJEDLOG

ZAPISNIK

42. sjednice Nezavisnog odbora Parlamentarne skupštine BiH

Sjednica je održana 22. 2. 2018., s početkom u 17 sati.

Sjednicu je sazvala Tatjana Klječanin-Martić, predsjednica Nezavisnog odbora.

PRISUTNI ČLANOVI NEZAVISNOG ODBORA: Tatjana Klječanin-Martić, predsjednica Nezavisnog odbora, Enes Obralića, prvi zamjenik predsjednice Nezavisnog odbora, Mato Jozić, drugi zamjenik predsjednice Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić i Ljubomir Kuravica, članovi Nezavisnog odbora.

OPRAVDANO ODSUTAN: Vladimir Jurišić, član Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili i Vladana Savić, stručna savjetnica u Sektoru za druga parlamentarna tijela Parlamentarne skupštine BiH, Zoran Brkić iz Sektora za odnose s javnošću Sekretarijata Parlamentarne skupštine BiH, te Senad Zlatar, predstavnik OHR-a.

Sjednicom je predsjedavala Tatjana Klječanin-Martić, predsjednica Nezavisnog odbora.

Konstatirajući da postoji kvorum za rad, otvorila je 42. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 41. sjednice Nezavisnog odbora;

2. Uvid u podatke iz kaznene evidencije za kandidate prijavljene na Javni konkurs za provođenje procedure odabira kandidata za izbor direktora i zamjenika direktora policijskih tijela Bosne i Hercegovine;
3. Dogovor o daljnjim aktivnostima u vezi s provođenjem procedure odabira kandidata za izbor direktora i zamjenika direktora policijskih tijela Bosne i Hercegovine;
4. Razmatranje Izvještaja o posjeti članova Nezavisnog odbora Graničnoj policiji BiH;
5. Razmatranje Izvještaja o posjeti članova Nezavisnog odbora Državnoj agenciji za istrage i zaštitu BiH;
6. Tekuća pitanja

Ad.1. Usvajanje Zapisnika 41. sjednice Nezavisnog odbora

Zapisnik 41. sjednice Nezavisnog odbora usvojen je jednoglasno, bez primjedbi.

Ad.2. Uvid u podatke iz kaznene evidencije za kandidate prijavljene na Javni konkurs za provođenje procedure odabira kandidata za izbor direktora i zamjenika direktora policijskih tijela Bosne i Hercegovine

U uvodnim napomenama predsjednica Nezavisnog odbora Tatjana Klječanin- Martić istakla je da su, u skladu s tekstom Javnog konkursa za provođenje procedure odabira kandidata za izbor direktora i zamjenika direktora policijskih tijela Bosne i Hercegovine za sve kandidate, po službenoj dužnosti, zatraženi podaci iz kaznene evidencije. Traženi podaci su pristigli, te je izvršen uvid. Nakon uvida u sve podatke iz kaznene evidencije, jednoglasno je konstatirano da svih 20 kandidata ispunjava uslove propisane Javnim konkursom za provođenje procedure odabira kandidata za izbor direktora i zamjenika direktora policijskih tijela Bosne i Hercegovine, te da će biti pozvani na intervju.

Ad.3. Dogovor o daljnjim aktivnostima u vezi s provođenjem procedure odabira kandidata za izbor direktora i zamjenika direktora policijskih tijela Bosne i Hercegovine

U vezi s ovom tačkom dnevnog reda, predsjednica i članovi Nezavisnog odbora jednoglasno su se dogovorili da se intervju s kandidatima prijavljenim na Javni konkurs za provođenje

procedure odabira kandidata za izbor direktora i zamjenika direktora policijskih tijela Bosne i Hercegovine održi 8. i 9. 3. 2018., redosljedom propisanim članom 6. stav (6) Odluke o uslovima i kriterijima za odabir, postupak ocjenjivanja i utvrđivanja rang-liste najuspješnijih kandidata otvorene konkurencije za izbor direktora i zamjenika direktora policijskih tijela Bosne i Hercegovine, broj: 03-34-6-36/10, od 5.1.2010.

Ad.4. Razmatranje Izvještaja o posjeti članova Nezavisnog odbora Graničnoj policiji BiH

U uvodu u ovu tačku dnevnog reda predsjednica Nezavisnog odbora Tatjana Klječanin-Martić istakla je da su, u skladu sa zaključkom s 40. sjednice Nezavisnog odbora, članovi Nezavisnog odbora Tatjana Klječanin-Martić, predsjednica Nezavisnog odbora, Enes Obralić, prvi zamjenik predsjednice Nezavisnog odbora, i Nikola Džambas, član Nezavisnog odbora, 25.1.2018. posjetili Graničnu policiju BiH i sastali se s njenim rukovodstvom o čemu je sačinjen pisani izvještaj.

Izvještaj o posjeti članova Nezavisnog odbora Graničnoj policiji BiH usvojen je jednoglasno, bez primjedbi.

Ad.5. Razmatranje Izvještaja o posjeti članova Nezavisnog odbora Državnoj agenciji za istrage i zaštitu BiH

U uvodu u ovu tačku dnevnog reda predsjednica Nezavisnog odbora Tatjana Klječanin-Martić istakla je da su, u skladu sa zaključkom s 40. sjednice Nezavisnog odbora, članovi Nezavisnog odbora, Mato Jozić, drugi zamjenik predsjednice Nezavisnog odbora, te Adisa Begić i Vladimir Jurišić, članovi Nezavisnog odbora, 29.1.2018. posjetili Državnu agenciju za istrage i zaštitu i sastali se s njenim rukovodstvom o čemu je sačinjen pisani izvještaj.

Izvještaj o posjeti članova Nezavisnog odbora Državnoj agenciji za istrage i zaštitu BiH usvojen je jednoglasno, bez primjedbi.

Ad.6. Tekuća pitanja

U uvodu u ovu tačku dnevnog reda predsjednica Nezavisnog odbora istakla je da je Nezavisni odbor 14.2.2018. zaprimio anonimnu predstavku na policijskog službenika P. D., koja je zavedena u Pisarnici Parlamentarne skupštine BiH pod brojem: 05/1-50-17-498/18, i po

prijemu prosljeđena svim članovima Nezavisnog odbora, te otvorila raspravu o ovom pitanju. Nakon rasprave, članovi Nezavisnog odbora predstavku su primili k znanju i jednoglasno konstatirali da, imajući u vidu nadležnosti Nezavisnog odbora Parlamentarne skupštine BiH propisane odredbama člana 3. stav 1. tačka c) Zakona o nezavisnim i nadzornim tijelima policijske strukture BiH („Službeni glasnik BiH“, broj 36/08), odnosno člana 8. stav 1. tačka d) Poslovnika o radu Nezavisnog odbora kao nezavisnog tijela policijske strukture BiH („Službeni glasnik BiH“, broj 93/09), navedena predstavka nije predmet razmatranja ovog tijela.

Dalje, u okviru ove tačke dnevnog reda predsjednica Nezavisnog odbora obavijestila je prisutne članove Nezavisnog odbora da je na 42. sjednici Zajedničke komisije za odbranu i sigurnost BiH, održanoj 6.2.2018., i 57. sjednici Predstavničkog doma Parlamentarne skupštine BiH, održanoj 20.2.2018., usvojen Izvještaj o radu Nezavisnog odbora Parlamentarne skupštine Bosne i Hercegovine kao nezavisnog tijela policijske strukture Bosne i Hercegovine za 2017. godinu i primljen k znanju Plan rada Nezavisnog odbora Parlamentarne skupštine Bosne i Hercegovine kao nezavisnog tijela policijske strukture Bosne i Hercegovine za 2018. godinu.

Predsjednica Nezavisnog odbora Tatjana Klječanin-Martić zaključila je sjednicu u 19 sati.

Sastavni dio ovog zapisnika je tonski snimak sjednice.

SEKRETARKA
NEZAVISNOG ODBORA

Ivana Lovrić

PREDSJEDNICA
NEZAVISNOG ODBORA

Tatjana Klječanin-Martić